

唐賈浪仙長江集

明刊

梅真

長江集

己未元月獲於上海寒雲



國家圖書館 NATIONAL CENTRAL LIBRARY, TAIWAN, R.O.C.



此集今歸如舉祝氏漢鹿高才余家又收均十  
行本它戶部集王建詩集兩種而此同一板式  
當是一時所刻也 辛未試燈日展讀因記

光憲



圖書館 NATIONAL CENTRAL LIBRARY TAIWAN R.O.C







唐賈浪仙長江集目錄

普州司倉參軍范陽

賈島

浪仙

卷第一

古意

望山

北嶽廟

朝飢

哭盧仝

劍客

口號

寄遠

齋中

感秋

翫月

辭二知己

義雀行

宿懸泉驛



詩言五





辯士

不欺

絕句

寓興

遊仙

枕上吟

雙魚誼

易水懷古

早起

客喜

寓延壽里精舍

贈智朗禪師

送沈秀才

酬栖上人

見終南雪

卷第二

寄孟協律

和劉涵

懷獨孤崇魚環

投張太祝

詠韓氏二子

送別

詣張籍韓愈

上谷送客

重酬姚少府

投孟郊

代邊將

寄劉栖楚

寄丘儒

送陳商

送張校書季霞

寄友人

答王叅

延康吟

戲贈友人

寓興

懷鄭從志

登龍興寺樓



送鄭山人

就峰公宿

劉景陽東齋

對菊

送集文上人

題岸上人閑居

游子

寄王叅

送汲鵬

卷第三

寄令狐相公

哭栢巖禪師

山中道士

就可公宿

旅遊

送鄒明府遊靈武

題藍田廳

贈王將軍

下第

寄賀蘭朋吉

憶吳處士

哭孟郊

送崔定

寄白閣默公

宿劉司馬池上

送朱可久歸越中

送田卓入華山

送董正字常州覲侍

酬姚少府

送無可上人

送李騎胄

送烏行中

送覺興上人

寄無可上人

南池

寄貞空二上人

送貞空二上人

送裴校書



寄姚合

即事

上韓吏部

題天津橋南山

投李益

弔孟協律

送人適越

送僧遊衡岳

送路

道中寄弟

江亭晚望

送耿處士

卷第四

過唐校書書齋

送杜秀才

送天竺僧

懷紫閣隱者

懷皇甫荀

秋暮

哭胡遇

送丹師歸閩中

送惟監法師

題李疑幽居

送韓湘

寄董武

宿贊上人方

訪李甘原居

題山井寺

無可上人相訪

送李餘及第歸

荒齋

喜賀蘭三見訪

題鏡公房

送陳判官

送唐環

喜唐溫琪頻至

送敷法師

寄錢庶子

原上秋居



夏夜

冬夜

送厲宗上人

寄李存穆

贈無懷禪師

寄主簿姚

題劉華書齋

送盧秀才

送姚明府

送友人遊江左

雨中懷友人

寄遠

南齋

題友人新居二首

卷第五

送雍陶入蜀

張郎中過原東居

答王秘書

送李餘

偶作

過秀才雍君居

寄顧非熊

送神邈法師

送霄韻法師

送知興上人

送惠雅法師

憶吳處士

題章博士新居

留辭從叔暮

送朱兵曹

懷博陵故人

夕思

寄楊少尹

孟融逸人

晚晴見終南諸峰

宿池上

喜姚郎中回

送鄭史

送李溟



和楊鄭州

題長江

泥陽館

送徐員外

送賀蘭上人

寄令狐相公

寄李尚書

逢舊識

崇聖寺斌公房

送李傅侍郎

別徐明府

送友人歸襄陽

送友人遊蜀

送鄭少府

子規

送僧歸天台

卷第六

上樂使君

贈友人

送雍陶及第歸

謝令狐相公賜衣

送鑒周上人

送譚遠上人

新年

送姚杭州

送僧

夜集田卿宅

寄長孫栖嶠

酬厲玄

送劉式

送空公

贈紹明上人

贈弘泉上人

送宣皎上人

病起

送殷侍御

送沈鶴

懷錢孟二人

贈李金州



酬姚校書

送獨孤馬二秀才

病禪

青門里作

盧秀才南臺

寄李軾侍御

寄令狐相公

再投李益

積雪

過楊道士居

贈僧

送友人遊塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

卷第七

送崔嶠

寄朱錫珪

馬戴居華山因寄

寄胡遇

送李戎

送孫逸人

寄華山僧

送李登

過郝逸人居

酬李廓

與李廓同宿

送南卓歸京

酬韓愈書問

長孫霞李洎見訪

送惟一

鄭尚書新開浴口

寄喬侍郎

送華法師

送蔡京

慈恩寺上座院



題朱慶餘所居

送王知新

贈胡禪師

元日女道士受

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雍陶至

酬胡遇

宿郁公房

送褚山人

寄韓湘

雨夜寄馬戴

喜無可上人回

寄毘陵徹公

送韋校書

寄劉侍郎

卷第八

送穆少府

留別鄆中友人

送李校書

宿孤館

哭宗密禪師

宿山寺

送友人知邊

題竹谷上人院

京北原作

寄江上人

送僧歸太白山

暮過山村

鷺鷥

內道場僧弘紹

蔣亭和蔡湘州

光州王使君水亭作

留別王使君

宿姚合宅寄張司業



哭張籍

靈準上人院

寄柳舍人

送玄巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居即事

夜集姚合宅期可公不至

喜李餘自蜀至

王侍御南原莊

送康秀才

送僧

寄魏少府

原居即事言懷

登樓

上樂使君救康成公

昆明池泛舟

送僧

送劉知新

寄慈恩寺郁上人

送饒州張使君

觀冬設上楊尚書

卷第九

巴興作

早蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鷺

送胡道士

寄韓潮州

訓張籍王建

逢故人彭兵曹

贈牛山人



送于中丞

送劉侍御重使江西

贈圓上人

贈李使君

酬文郁上人

訪鑒玄師姪

夜坐

送別

聞蟬感懷

夏夜上谷宿開元寺

送于總持歸京

崔御池上鶴

田中丞高亭

友人婚楊氏催粧

酬朱侍御望月

題苕雲叟草堂

和韓愈泛南溪

方鏡

酬姚合

送靈應上人

贈丘先生

渡桑乾

夜期嘯客不至

夜集烏行中所居

贈梁浦斑竹杖

尋石甕寺上方

卷第十

秋寄題靈隱寺

黎陽寄姚合

送崔約秀才

詠懷

夏日寄高洗馬

送周判官元範赴越

送羅少府歸牛渚

題童真上人

贈溫觀主

賀龐少尹除太常少卿

上邠寧邢司徒

欲遊嵩岳留別李益



病鵲吟

贈翰林

贈僧

頌德上賈常侍

田將軍書院

投龐少府

夏夜登南樓

題青龍寺

贈李文通

贈虢州三堂吳郎中

送僧

三月晦日贈劉評事

送張道者

題魚尊師院

宿杜家亭

送稱上人

楊祕書新居

聽樂山人彈易水

經蘇秦墓

題戴勝

題隱者居

哭孟東野

過京索先生墳

客思

鹽池院觀鹿

唐賈浪仙長江集目錄







國家圖書館, NATIONAL CENTRAL LIBRARY, TAIWAN, R.O.C

香  
集  
錄

十



唐書

唐賈浪仙長江集卷第一

賈島

浪仙

古意

普州司倉參軍范陽

賈島

浪仙

碌碌復碌碌百年雙轉轂志士終夜心良馬白日足  
俱為不等閑誰是知音目眼中兩行淚曾吊三獻玉

望山

南山三十里不見踰一旬冒雨時立望望之如朋親

虬龍一掬波洗蕩千萬春

一作里

日日雨不斷愁殺望

山人天事不可長勁風來如奔陰靈

一作霧

一似掃浩

翠瀉國門長安百萬家家張屏新誰家最好山我





願爲其鄰

北嶽廟

天地有五嶽恒嶽居其北巖巒疊萬重詭恠浩難測  
人來不敢入祠宇白日黑有時起霖雨一灑天地德  
神兮安在哉未康我王國

朝飢

市中有樵山此舍朝無煙井底有甘泉釜中乃空然  
我要見白日雪來寒一作塞青天坐聞西牀琴凍折兩  
三絃飢莫詣他門古人有拙言

哭盧仝

賢人無官死不親者亦悲空令古鬼哭更得新隣比  
平生四十年惟著白布衣天子未辟召地府誰來追  
長安有交友託孤遽棄移塚側誌石短文字行參差  
無錢買松栽自生蒿草枝在日贈我文淚流把讀時  
從茲加敬重深藏恐失遺

劍客

十年磨一劍霜刃未曾試今日把似君誰爲不平事

口號

中夜忽自起汲此百尺泉林木含白露星斗在青天

寄迹



別腸多鬱紆豈能肥肌膚始知相結密不及相結疎  
疎別恨應少密離恨難祛門前南流水中有北飛魚  
魚飛向北海可以寄遠書不惜寄遠書故人今在無  
况此數尺身阻彼萬里途自非日月光難以知子軀

齋中

耽靜非謬為本性實疎索齋中一就枕不覺白日落  
低扉礙軒轡寡德謝接一作然諾叢菊在墻陰秋窮未  
開萼所餐類病馬動影似移嶽欲駐追逃衰豈殊辭  
綆縛已見飽時雨應豐蔬與藥

感秋

商氣颯已來歲華又虛擲朝雲藏竒峰暮雨灑疎滴  
幾蜩嘿涼葉一作幾番飛涼葉數蛩思陰壁落日空館中歸  
心遠山碧昔人多秋感今人何異昔四序馳百年玄  
髮坐成白喧喧狗聲利擾擾同轍跡儻無世上懷去  
偃松下石

翫月

寒月破東北賈生立西南西南立倚何立倚青青杉  
近月有數星星名未詳諳但愛杉倚月我倚杉為三  
月乃不上杉上杉難相參貽睥子細視睛瞳桂枝剝  
目常有熱疾久視無煩炎以手捫衣裳零露已濡霑



久立雙足凍時向股脞淹立久病足折兀然藕膠粘  
他人應以睡轉喜此景恬此景亦胡及而我苦淫耽  
無異市井人見金不知廉不知此夜中幾人同無狀  
待得上頂看未擬歸枕函強步望寢齋步步情不堪  
步到竹叢西東望如隔簾却坐竹叢外清思刮幽潛  
量知愛月人身願化為蟾

辭二知己

一雙千歲鶴立別孤翔鴻彼島忽已暮海雨寒濛濛  
離人聞一作逢美彈亦與哀彈同况茲切切弄繞彼行  
行躬雲飛北嶽碧火息西山紅何以代遠誠折芳臘

雪中

義雀行和朱評事

玄鳥雄雌俱春雷驚蟄餘口銜黃河泥空即翔天隅  
一夕皆莫歸啁啾遺衆雛雙雀抱人義哺食勞劬劬  
雛旣邈迤飛雲間聲相呼燕感雀深恩雀愧揚不殊  
禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照愁寂

辯士

辯士多毀訾不聞談已非猛虎恣殺暴未嘗齧妻兒



此理天所感所感當問誰求食飼雛禽吐出美言詞  
善哉君子人揚光掩瑕玼

不欺

上不欺星辰下不欺鬼神知心兩如此然後何所陳  
食魚味在鮮食蓼味在辛掘井須到流結交須到頭  
此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步

暗室未可居碧霄未可趨勸君跨仙鶴日下雲爲衢

遊仙

借得孤鶴騎高近金鳥飛掬河洗老貌照月生光輝  
天中鶴路直天盡鶴一息歸來不騎鶴身自有羽翼  
若人無仙骨芝朮無煩食

枕上吟

夜長憶白日枕上吟千詩何當苦寒氣忽被東風吹  
冰開魚龍別天波殊路岐

雙魚誼

特韓職方書中以  
孟常州簡詩見示

天河墮雙魴飛我庭中央掌握尺餘雪劈開腸有璜



見令讒舌短烹遠隣舍香一得古詩字與玉含異藏

易水懷古

荆卿重虛死節烈書前史我歎方寸心誰論一時事  
至今易水橋寒風兮蕭蕭易水流得盡荆卿名不泯  
早起

北客入西京北鴈再離北秋寢獨前興天梭星落織  
躑馱餘恬爽顧盼輕痂力旅途少顏盡明鏡勸仙食  
出門路踪橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸

未歸長嗟愁嗟愁填中懷開口吐愁聲還却入耳來  
常恐滴淚多自損兩目輝鬢邊雖有絲不堪織寒衣

延壽里精舍寓居

旅託避華館荒樓遂愚慵短庭無繁植珍果春亦濃  
側廬發局樞纖魄時卧逢耳目乃屬井肺肝即巖峰  
汲泉飲酌餘見我閑靜容霜蹊猶舒英寒蝶斷來踪  
雙履與誰逐一尋青漣節

贈智朗禪師

上人分明見玉兔潭底沒上人光慘貌古來恨峭發  
涕辭孔顏廟笑訪禪寂室步隨青山影坐學白塔骨



解聽無弄琴不禮有身佛欲問師何之忽與我相別  
率賦贈遠言言慙非子曰

送沈秀才下第東歸

曲言惡者誰悅耳如彈絲直言好者誰刺耳如長錐  
沈生才俊秀心腸無邪欺君子忌苟合擇交如求師  
毀出疾夫口騰入禮部闈下第子不耻遺才人耻之  
東歸家室遠掉轡時參差浙雲近吳見汴柳接楚垂  
明年春光別回首不復疑

酬栖上人

夜久城館閑情幽出在山新月有微輝朗朗空庭間

處世雖識機伊余多掩關松姿度臘見籬藥知春還  
靜覽冰雪詞厚為酬贈顏東林有躑躅脫屣期共攀  
冬月長安雨中見終南雪

秋節新已盡雨

一作林

踈露山雪西峰稍覺明殘滴猶

未絕氣侵瀑布水凍著白雲穴今朝灞澹鴈何夕蕭  
湘月想彼石房人對雪扉不閉

必結切



唐賈浪仙長江集卷第一

唐賈浪仙長江集卷第一



國家圖書館, NATIONAL CENTRAL LIBRARY, TAIWAN, R.O.C.



唐賈浪仙長江集卷第二

普州司倉參軍范陽 賈島 浪仙

寄孟協律

我有吊古泣不泣向路岐揮淚灑暮天滴著一作桂  
樹枝別後冬節至離心北風吹坐孤雪扉夕泉落石  
橋時不驚猛虎嘯難辱君子詞欲酬空覺老無以堪  
遠持峩峩倚角窓王屋懸清思

和劉涵

京官始云滿野人依舊閑閉扉一畝居中有古風還  
市井日已午幽窓夢南山喬木覆北齋有鳥鳴其間



前日遠嶽僧來時與開關新題驚我瘦窺鏡見醜顏  
陶情惜清澹此意復誰攀

明月山懷獨孤崇魚琢

明月長在目明月長在心復在目何得稀去尋  
試望明月人孟夏樹蔽岑想彼嘆此懷樂喧忘幽林  
鄉本北嶽外悔一作每恨東夷深願縮地脉還豈待天  
恩臨非不渴隱秀却嫌他事侵或云岳樓鍾來繞草  
堂吟當從令尹後再往步栢林

投張太祝

風骨高更老何春初陽葩泠泠月下韻一一落滄涯

有子不敢和一聽千嘆嗟身卧東北泥魂掛西南霞  
手把一枝栗往輕覺程賒水天朔方色暖日蒿根花  
達一作達間幽栖山遣尋種藥家欲買雙瓊瑤慙無一  
木瓜

詠韓氏二子

千巖一尺壁八月十五夕清露墮桂花白鳥舞虛碧  
送別

丈夫未得意行行且低眉素琴彈復彈會有知音知  
携新文詣張籍韓愈途中成

袖有新成詩欲見張韓老青竹未生翼一步萬里道



仰望青冥天雲雪壓我腦失却終南山惆悵滿懷抱  
安得西北風身願變蓬草地祇聞此語突出驚我倒

上谷送客遊江湖

莫嘆迢遞分何殊咫尺別江樓到夜登還見南臺月

重酬姚少府

隙月斜枕旁諷誄夏詒什如今何時節虫虺亦已蟄  
答遲禮涉傲抱疾思加澁僕本胡爲者銜肩貢客集  
茫然九州內譬如一錐立欺暗少此懷自明曾瀝泣  
量無趨勇士誠欲戈矛戢原閣期躋攀潭舫偶俱入  
深齋竹木合一作畢夕風雨急俸利沐均分價稱煩

噓噏百篇見刪罷一命嗟未及滄浪愚將還知音激

所習

投孟郊

月中有孤芳天下聆薰風江南有高唱海北初來通  
容飄清冷餘自蘊襟抱中止息乃流溢推尋却冥蒙  
我知雪山子謁彼偈句空必竟獲所實爾焉遂深衷  
錄之孤燈前猶恨百首終一吟動狂機萬疾辭頑躬  
生年面未交永夕夢輒同敘詰誰君師詎言無吾宗  
余求履其跡君曰可但攻啜波腸易飽揖險神難從  
前歲曾入洛差池阻從龍萍家復從趙雲思長縈縈



高海每可詣長途追再窮願傾肺腸事盡入焦梧桐  
代邊將

持戈簇邊日戰罷浮雲收露草泣寒霽夜泉鳴隴頭  
三尺握中鐵氣衝星斗牛報國不拘貴憤將平虜讎  
寄劉栖楚

趨走與偃卧去就自殊分當窓一重樹上有萬里雲  
離披不相顧髮髯類人群友生去更遠來書絕如焚  
蟬吟我爲聽我歌蟬豈聞歲暮儻旋歸晤言桂氛氲  
寄丘儒

地近輕數見地遠重一面一面如何重重甚珍寶片  
自經失歡笑幾度騰霜霰此心鎮懸懸天象固迴轉  
長安秋風高子在東甸縣儀形信寂茂風雨豈乖間  
憑人報消息何易憑筆硯俱不盡我心終須對君宴  
送陳商

古道長荆棘新岐路交橫君於荒榛中尋得古轍行  
足踏聖人路貌端禪士形我曾接夜談似聽講一經  
聯翩曾數舉昨登高第名釜底絕烟火曉行皇帝經  
上客遠府遊主人須日明青雲別青山何日復可升

送張校書季霞

從京去容州馬在船上多容州幾千里直傍青天涯



掌記試校書未稱高詞華義往不可屈出家如入家  
城市七月初熱與夏未差錢君到野地秋涼滿山坡  
南境異北候風起無塵沙秦吟宿楚澤海酒落桂花  
暫醉即還醒彼土生桂茶

寄友人

同人半年別一別寂來音賴有別時文相思時一吟  
我常倦投跡君亦知此衿筆硯且勿棄蘇張曾陸沈  
但存舌在口當冀身遂心君看明月夜松桂寒森森

答王參

寸晷不相待四時互如競客思先覺秋虫聲苦知暝

霜松積舊翠露月團如鏡詩負屬景同琴孤坐堂聽  
相期黃菊節別約紅桃徑每把式微篇臨風一長詠

延康吟

寄居延壽里爲與延康隣不愛延康里愛此里中人  
人非十年故人非九族親人有不朽語得之烟山春  
戲贈友人

一日不作詩心源如廢井筆硯爲轆轤吟詠作縻綆  
朝來重汲引依舊得清泠書贈同懷人詞中多苦辛

寓興

真集道方至貌殊妬還多山泉入城池自然生渾波



今時出古言在衆翻爲訛有琴含正韻知音者如何  
一生足感激世言忽差我不得市井味思響吾巖阿  
浮華豈我事日月徒蹉跎曠哉潁陽風千載無其他  
懷鄭從志

西風吹陰雪雨雪半夜收忽憶天涯人起看斗與牛  
故人別二年我意如百秋音信兩杳杳誰云昔綢繆  
平明一封書寄向東北舟翩翩春歸烏會自爲匹儔  
易州登龍興寺樓望郡北高峰

郡北最高峰巉巖絕雲路朝來上樓望稍覺得幽趣  
朦朧碧烟裏群嶺若相附何時一登陟萬物皆下顧

送鄭山人遊江湖

南游衡嶽上東往天台裏足躡華峰頂目觀滄海水  
就峰公宿

河出鳥宿後螢火白露中上人坐不倚共我論量空  
殘月華掩曖遠水響玲瓏爾時無了夢茲宵方未窮  
劉景陽東齋

松陰連竹影中有無苔井清風此地多白日空自求  
景陽公幹孫詩句得真景勸我不須歸月出東齋靜  
對菊

九日不出門十日見黃菊灼灼尚繁英美人無消息



送集文上人遊方

來從道陵井雙木溪邊會分首芳草時遠意青天外  
此遊詣幾嶽高華衡恒泰

題岸上人郡內閑居

靜向方寸求不居山一作嶂幽池開菡萏香門閉莓  
苔秋金玉童四句粃糠輕九流鑪烟上喬木鐘磬下  
危樓手種一株松貞心與師儔

遊子

遊子喜鄉遠非吾憶歸廬誰知奔他山自欲早旋車  
朝賞暮已足園歸願無餘當期附鵬翼未偶方躄躄

寄山中王叅

我看嶽西雲君看嶽北月長懷燕城南相送十里別  
別來千餘日日憶不歇遠寄一紙書數字論白髮

送汲鵬

淮南卧理後復逢君姓汲文采非尋常志願期卓立  
深江東泛舟夕陽跳原隰夏夜言詩會往往追不及



唐賈浪仙長江集卷第二

唐賈浪仙長江集卷第二





唐賈浪仙長江集卷三

普州司倉參軍范陽 賈島 浪仙

寄令狐相公

策杖馳山驛逢人問梓州長江那可到行客替生愁  
哭栢巖禪師

苔覆石床新師曾占幾春寫留行道影焚却坐禪身  
塔院關松雪經房鎖隙塵自嫌雙淚下不是解空人  
山中道士

頭髮梳千下休糧帶瘦容養雛成大鶴種子作高松  
白石通宵煮寒泉盡日春不曾離隱處那得世人逢



就可松宿

十里尋幽寺寒流數派分僧同雪夜坐鴈向草堂聞  
靜語終燈焰餘生許嶠雲猶來多抱疾聲不達明君  
旅遊

此心非一事書札若為傳舊國別多日故人無少年  
空巢霜葉落踈牖水螢穿留得林僧宿中宵坐默一作  
黯然

送鄒明府遊靈武

曾宰西畿縣三年馬不肥債多平一作憑劍與官滿載  
書歸邊雪藏行徑林風透卧衣靈州聽曉角客館未

開扉

題皇甫荀藍田廳

任官經一年縣與玉峰連竹籠拾山果瓦甌擔石泉  
客歸秋雨後印鎖暮鍾前久別丹陽浦時時夢釣船  
贈王將軍

宿衛爐烟近除書墨未乾馬曾金鏃中身有寶刀瘢

父子同時捷君王畫陣看何當為外帥白日出長安

下第

下第只空囊如何住一作在帝鄉杏園啼百舌誰醉在  
花傍淚落故山遠病來春草長知音逢一作豈易孤



棹負三湘

寄賀蘭朋吉

往往東林下花香似火焚故園從小別夜雨近秋聞  
野菜連寒水枯株簇古墳泛舟同遠客尋寺入幽雲  
斜日扉多掩荒田徑細分相思蟬幾處偶坐蛺蝶成群  
會宿曾論道登高省議文苦吟遙可想邊葉向紛紛  
憶吳處士

半夜長安雨燈前越客吟孤舟行一月萬水與千岑  
島嶼夏雲起汀洲芳草深何當折松葉拂石剡溪陰  
哭孟郊

身死聲名在多應萬古傳寡妻無子息破宅帶林泉  
塚近登山道詩隨過海船故人相吊後斜日下寒天

送崔定

未知遊子意何不避炎蒸幾日到漢水新蟬鳴杜陵  
秋江待得月夜語恨無僧巴峽吟過否連天十二層

寄白閣默公

已知歸白閣山遠晚晴看石室人心靜冰潭月影殘  
微雲分片滅古木落薪乾後夜誰聞磬西峰絕頂寒

雨後宿劉司馬池上

藍溪秋漱玉此地漲清澄蘆葦聲兼雨芰荷香遶燈



岸頭秦古道亭面漢荒陵靜想泉根本幽崖落幾層

送朱可久歸越中

石頭城下泊北固暝鍾初汀鷺潮衝起船窓月過虛  
吳山侵越衆隋柳入唐疎日欲躬調膳辟來何府書

送田卓入華山

幽深足暮蟬驚覺石牀眠瀑布五千仞草堂瀑布邊  
壇松涓滴露嶽月沈寥天鶴過君須看上頭應有仙

送董正字常州觀省

相逐一行鴻何時出磧中江流翻白浪木葉落青楓  
輕檝浮吳國繁霜下楚空春來懽侍阻正字在東宮

酬姚少府

梅樹與山木俱應搖落初柴門掩寒雨蟲響出秋蔬  
枯槁彰清鏡孱愚友道書刊文非不朽君子自相於

送無可上人

圭峰霽色新送此草堂人塵尾同離寺蛩鳴暫別親  
獨行潭底影數息樹邊身終有煙霞約天台作近隣

送李騎胄

歸騎雙旌遠懽生此列中蘭關分磧路嘶馬背寒鴻  
朔色晴天北河源落日東賀蘭山頂草時動卷帆風

送烏行中石淙別業

淙一作琮



寒水長繩汲，丁冷數滴翻。草通石宗脉，硯帶海潮痕。  
嶽色何曾遠，蟬聲尚未繁。勞思當此夕，苗稼在西原。

送覺興上人歸中條山兼謁河中李司空

又憶西巖寺，秦原草白時。山尋樵徑上，人到雪房遲。  
暮磬潭泉凍，荒林野燒移。聞師新譯偈，說擬對旌麾。  
寄無可上人

僻寺多高樹，涼天憶重遊。磬過溝水盡，月入草堂秋。  
穴蟻苔痕靜，藏蟬栢葉稠。名山思徧往，早晚到嵩丘。  
南池

蕭條微雨絕，荒岸抱清源。入舫山偏塞，分泉稻接村。

秋聲依樹色，月影在蒲根。淹泊方難遂，他宵關夢魂。

寄龍池寺真空二上人

受請終南住，俱妨去石橋。林中秋信絕，峰頂夜禪遙。  
寒草煙藏虎，高松月照鷗。霜天期到寺，寺置即前朝。  
送真空二上人

林下中餐後，天涯欲去時。衡陽過有伴，夢澤出應遲。  
石磬踈寒韻，銅瓶結夜澌。殷勤訝此別，且未定歸期。

送裴校書

拜官從秘省，署職在藩維。多故長踈索，高秋遠別離。  
天寒泗上醉，夜靜岳陽碁。使府臨南海，帆飛到不遲。



昇道精舍南臺對月寄姚合

月向南臺見秋霖洗滌餘出逢危葉落靜看衆峰踈  
冷露尋時有禪窓此夜虛相思聊悵望潤氣徧衣初  
即事

索漠對孤燈陰雲積幾層自嗟憐十上誰肯待三徵  
心被通人見文叨大匠稱悲秋秦塞草懷古漢家陵  
城靜高崖草漏多幽沼水過聲沙鳥鷺絕行石菴僧  
豈謂舊廬在誰言歸未曾謂一作爲

黃子波上韓吏部

石樓云一別二十二三春相逐升堂者幾爲埋骨人

涕流聞渡瘴病起喜還秦曾是令勤道非惟卹在迤  
踈衣蕉縷細爽味茗芽新鍾絕滴殘雨螢多無近隣  
溪潭承到數位秩見辭頻若箇山一作中招隱機忘任  
此身

天津橋南山中各題一句

野坐分苔石李益山行遠菊叢韋執雲衣惹不破諸葛

秋色望來空浪仙

投李益

四十歸燕字千年外始吟已將書北嶽不用比南金

吊孟協律



才行古人齊生前品位低葬時貧賣馬遠日哭惟妻  
孤塚北邙外空齋中獄西集詩應萬首物象徧曾題  
送人適越

高城滿夕陽何事欲霑裳遷客蓬蒿暮遊人道路長  
晴湖勝鏡碧寒柳似金黃若有相思夢殷勤載入行  
送僧遊衡嶽

心知衡嶽路不怕去人稀船裏猶鳴磬溪頭自曝衣  
有家從小別無寺不言歸料得逢寒往當禪雪滿扉  
送路

別我就蓬蒿日斜飛伯勞龍門流水急嵩嶽片雲高  
歎命無知己梳頭落白毛從軍當此去風起廣陵濤  
洛陽道中寄弟

趨走迫流年慙經此路徧密雲埋二室積雪度三川  
生類梗萍泛悲無金石堅翻鴻有歸翼極目仰聯翩  
江亭晚望

浩渺浸雲根烟嵐沒遠村鳥歸沙有跡帆過浪無痕  
望水知柔性看山欲倦魂縱情猶未已迴馬欲黃昏  
送耿處士

一瓶離別酒未盡即言行萬水千山路孤舟幾月程  
川原秋色靜蘆葦晚風鳴迢遞不歸客人傳虛隱名



唐賈浪仙長江集卷第三

國家圖書館, NATIONAL CENTRAL LIBRARY, TAIWAN, R.O.C.



唐賈浪仙長江集卷第三



唐賈浪仙長江集卷第四

普州司倉參軍范陽 賈島 浪仙

過唐校書書齋

池滿風吹竹時時得爽神聲齊  
雛鳥語盡卷老僧真  
月出行幾步花開到四鄰  
江湖心自切未可掛頭巾

送杜秀才東遊

東遊誰見待盡室寄長安別後葉頻落  
後一作夜去程山  
已寒大河風色度曠野燒烟殘  
匣有青銅鏡時將照  
鬢看

送天台僧



遠夢歸華頂扁舟背岳陽寒蔬修淨食夜浪動禪牀  
鴈過孤峰曉猿啼一樹霜身心無別念餘習在詩章  
懷紫閣隱者

寂寥思隱者孤燭坐秋霖梨栗猿喜熟雲山僧說深  
寄書應不到結伴擬同尋廢寢方終夕迢迢紫閣心  
雨夜同厲玄懷皇甫荀

桐竹遠庭匝雨多風更吹還如舊山夜卧聽瀑泉時  
磧鴈來期近秋鍾到夢遲溝西吟苦客中夕話兼思

秋暮

北門楊柳葉不覺已繽紛值鶴因臨水迎僧忽背雲

白鬚相並出暗淚兩行分默默空朝夕苦吟誰喜聞

哭胡遇

天壽知齊理何曾免歎嗟祭廻一作葬時收朔雪吊後折

寒花野水吟秋斷空山影暮斜弟兄相識徧猶得到  
君家

送丹師歸閩中

波濤路杳然衰柳洛陽蟬行李經雷電禪前漱島泉  
歸林久別寺過越未離船自說從今去身應老海邊

送安南惟鑒法師

講經春殿裏花遶御牀飛南海幾廻過舊山臨老歸



潮搖蠻草落月濕島松微一作觸風香損空水既如  
彼一作雲水往來消息稀

題李凝幽居

閑居少隣並草徑入荒園鳥宿池邊一作樹僧敲月  
下門過橋分野色移石動雲根暫去還來此幽期不  
負言

送韓湘

掛席從古一作路長風起廣津楚城花未發上苑蝶  
來新半沒湖波月初生島草春孤霞臨石鏡極浦映  
村神細響吟乾葦餘馨動遠瀕欲憑將一札寄與沃

州人

寄董武

雖同一城裏少省得從容門掩園林僻日高巾幘慵  
孤鴻來半夜積雪在諸峰正憶毘陵客聲聲隔水鍾  
宿贛上人房

堦前多是竹閑地擬栽松未點草書疏雪平麻屨蹤  
御溝寒夜雨宮寺靜時鍾一作無他事來尋不  
厭重

訪李甘原居

原西居處靜門對曲江開石縫銜枯草查根上淨苔



一作漬  
古苔  
翠微泉夜落紫閣鳥時來仍憶尋淇岸同行  
採蕨迴

### 題山寺屏

沈沈百尺餘功就豈斯須汲早僧出定鑿新蟲自無  
藏源重嶂底澄翳大空隅此地如經劫涼潭會共枯  
僻居無可上人相訪

自從居此地少有事相關積雨荒隣圃秋池照遠山  
硯中枯葉落枕上斷雲閑野客將禪子依依備往還  
送李餘及第歸蜀

知音伸久屈覲省去光輝津渡逢清夜途程盡翠微

雲當綿竹疊鳥離錦江飛肯寄書來否原居出甚稀  
荒齋

草合徑微微終南對掩扉晚涼疎雨絕初曉遠山稀  
落葉無青地閑身著白衣朴愚猶本性不是學忘機  
夜喜賀蘭三見訪

漏鍾仍夜淺時節欲秋分泉聒棲松鶴風除翳月雲  
踏苔行引興枕石卜論文即此尋常靜來多祇是君  
題青龍寺鏡公房

一夕曾留宿終南搖落時孤燈岡一作龕舍掩殘磬雪  
風吹樹老因寒折泉深出井遲踈慵豈有事多失上



方期

送陳判官赴綏德

將軍遙入幕東帶便離家身暖蕉衣窄天寒磧日斜  
火燒岡斷葦一作草風卷雪和沙絲竹豐州有春來祇  
欠花

送唐環歸敷水莊

毛女峰當戶日高頭未梳地侵山影掃葉帶露痕書  
松徑僧尋廟一作藥沙泉鶴見魚一川風景好恨不有  
吾廬

原東居喜唐溫琪頻至

曲江春草生紫閣雪分明汲井嘗泉味聽鍾問寺名  
墨研秋日雨茶試老僧鐺地近勞頻訪烏紗出送迎  
送馱法師

度歲不相見嚴冬知出關孤烟寒色樹高雪夕陽山  
瀑布寺應到牡丹房甚閑南朝遺跡在此去幾時還  
寄錢庶子

曲江春水滿北岸掩柴關祇有僧隣舍全無物映山  
樹陰終日掃藥債隔年還猶記聽琴夜寒燈竹屋間  
原上秋居

關西又落木心事復如何歲月辭山久秋霖入夜多



鳥從井口出人自岳陽過倚杖聊閑望田家未剪禾

夏夜

原寺偏隣近開門物景澄磬通多葉罅月離片雲稜  
寄宿山中鳥相尋海畔僧唯愁秋色至乍可在炎蒸

冬夜

羈旅復經冬瓢空盍亦空淚流寒枕上跡絕舊山中  
凌結浮萍水雪和衰柳風曙光雞未報嘹唳兩三鴻

送厲宗上人

擁策背岷峨終南雨雪和漱泉秋鶴至禪樹夜猿過  
高頂白雲盡前山黃葉多曾吟廬嶽上月動九江波

寄李存穆

聞道船中病似憂親弟兄信來從水路身去到柴城  
久別長鬚鬢相思書姓名忽然消息絕頻夢却還京

贈無懷禪師

身從劫劫修果以此生周禪定石牀暖月移山樹秋  
捧盃觀宿飯敲磬過清流不掩玄關路教人問白頭

寄武功姚主簿

居枕江沱北情懸渭曲西數宵曾夢見幾處得書披  
驛路穿荒坂公田帶淤泥靜基功奧妙閑作韻清妻  
鋤草留叢藥尋山上石梯客迴河水漲風起夕陽低



空地苔連井孤村火隔溪卷簾黃葉落鎖印子規啼  
隴色澄秋月邊聲入戰輦會須過縣去况是屢招携  
題劉華書齋

白石牀無塵青松樹有鱗一鶯啼帶雨兩樹合從春  
荒榭苔膠砌幽叢果墮榛偶來踈或數當暑夕勝晨  
露滴星河水巢重草木薪終南同往意趙北獨遊身  
渡葉司天漏驚蛩遠地人機清公幹族也莫卧漳濱

送盧秀才遊潞府

雨餘滋潤在風不起塵沙邊日寡文思送君吟月華  
過山千相府臨水宿僧家能賦馬長屈他春宴杏花

送南康姚明府

銅章美少年小邑在南天版籍多遷客封疆接洞田  
靜江鳴野鼓發纜帶村烟却笑陶元亮何須憶醉眠  
送友人棄官遊江左

羨君休作尉萬事具全身寰海多虞日江湖獨往人  
姓名何處變鷗鳥幾時親別後吳中使應須訪子真  
雨中懷友人

對雨思君子嘗茶近竹幽儒家隣古寺不到又逢秋  
寄遠

家住錦水上身征遼海邊十書九不到一到忽經年



南齋

獨自南齋卧神閑景亦空  
有山來枕上無事到心中  
簾卷侵牀月屏遮入座  
風望春春未至應在海門東

早春題友人湖上新居二首

近得雲中路門長侵早開  
到時猶有雪行處已無苔  
勸酒客初醉留茶僧未來  
每逢晴暖日惟見乞花栽

又

門不當官道行人到亦稀  
故從餐後出多是夜深歸  
開篋收詩卷掃牀移卧衣  
幾時同買宅相送有柴扉

唐賈浪仙長江集卷第四



唐賈浪仙長江集卷第五

普州司倉叅軍范陽 賈島 浪仙

送雍陶入蜀

江山事若諳那肯滯雲南草色分危磴杉陰近古潭  
日斜褒谷鳥夏淺雋州蠶吾自疑雙鬢相逢更不堪

張郎中過原東居

年長惟添懶經旬止掩關高人餐藥後下馬此林間  
對坐天將暮同來客亦閑幾時能重至水味似深山

答王建祕書

人皆聞蟋蟀我獨恨蹉跎白髮無心鑷青山去意多



信來漳浦岸期負洞庭波時掃高槐影朝廻或恐過

送李餘往湖南

昔去候溫涼秋山滿楚鄉今來從辟命春物徧潯陽  
嶽石挂海雪野楓堆渚檣若尋吾祖宅寂寞在瀟湘

偶作

野步隨吾意那知是與非稔年時雨足閏月暮蟬稀  
獨樹依岡老遙峰出草微園林自有主宿鳥且同歸  
過雍秀才居

夏木鳥巢邊終南嶺色鮮就涼安坐石煮茗汲隣泉  
鍾遠清霄半蛸稀暑雨前幽齋如葺罷約我一來眠

寄顧非熊

知君歸有處山水亦難齊猶去瀟湘遠不聞猿狖啼  
穴通茆嶺下潮滿石頭西獨立生遙思秋原日漸低

送神邈法師

柳絮落濛濛西州道路中相逢春忽盡獨去講初終  
行疾遙山雨眠遲後夜風遠房三兩樹迴去葉應紅

送慈恩寺霽韻法師謁太原李司空

何故謁司空雲山知幾重磧遙來鴈盡雪急去僧逢  
清磬先寒角禪燈徹曉烽舊房閑片石倚著最高松

送知興上人



久住巴與寺如今始拂衣欲臨秋水別不向故園歸  
錫挂天涯樹房開嶽頂扉下看萬里曉霜海日生微

送惠雅法師歸玉泉

祇到瀟湘水洞庭湖未遊飲泉看月別下峽聽猿浮  
講不停雷雨吟當一作曾近海流降霜歸楚夕星冷玉  
泉秋

憶江上吳處士

閩國揚帆去蟾蜍虧復圓秋風吹渭水落葉滿長安  
此地聚會夕當時雷雨季寒蘭橈殊未返消息海雲端

題張博士新居

青楓何不種林在洞庭村應為三湘遠難移萬里根  
斗牛初過伏菡萏欲香門一作斗移亭北  
樹蓮照水邊門舊即湖山  
隱新廬葺此原

石門陂留辭從叔暮

幽鳥飛不遠此行千里間寒衝陂水霧醉下菊花山  
有耻長為客無成又入關何時臨澗柳吾黨共來攀

送朱兵曹迴越

星彩練中見澄江豈有泥潮生垂釣罷楚盡土橋西  
磧鳥辭沙至山鼉隔水啼會稽半侵海濤白禹祠溪

懷博陵故人



孤城易水頭，不忘舊交遊。  
雪壓園基石，風吹飲酒樓。  
路遙千萬里，人別十三秋。  
吟苦相思處，天寒水急流。

夕思

秋宵已難曙，漏向二更分。  
我憶山水坐，蟲當寂寞聞。  
洞庭風落木，天姥月離雲。  
會自東浮去，將何欲致君。  
寄河中楊少尹

非惟咎曩時，投刺詣門遲。  
悵望三秋後，參差萬里期。  
禹留疏鑿跡，舜在寂寥祠。  
此致杳難共，迴風逐所思。  
孟融逸人

孟君臨水居，不食水中魚。  
衣褐唯麤帛，筐箱祇素書。

樹林幽鳥戀世界，此心踈擬棹孤舟。  
去何峰又結廬

晚晴見終南諸峰

秦分一作下積多峰，連巴勢不窮。  
半旬藏雨裏，此日到窓中。  
圓魄將昇兔，高空一作虛欲叫鴻。  
故山思不見，碣石沈寥東。

宿池上

泉來從絕壑，亭敞在中流。  
竹密無空岸，松長可絆舟。  
蟪蛄潭上夜，河漢島前秋。  
異夕一作日期深漲，携琴却此遊。

喜姚郎中自杭州迴



路多楓樹林累日泊清陰來去泛流水儵然適此心  
一披江上作三起月中吟東省期司諫雲門悔不尋

送鄭長史之嶺南

雲林頗重疊岑渚復幽竒汨水斜陽岸騷人正側祠  
蒼梧多蟋蟀白露濕江籬擢第榮南去晨昏近九疑

送李溟謁宥州李權使君

英雄典宥州迢遞苦吟遊風宿驪山下月斜灞水流  
去時初落葉回日定無秋太守携才子看鵬百尺樓

永福湖和楊鄭州

積水還平岸春來引鄭溪舊渠通郭下新堰絕湖西

嵩少分明對瀟湘潤狹齊客遊隨庶子孤嶼草萋萋

題長江

言心俱好靜解署落暉空歸吏封宵鑰行蛇入古桐  
長江頻雨後明月衆星中若任遷人去西浮與剡通

泥陽館

客愁何併起暮送故人回廢館秋螢出空城寒雨來  
夕陽飄白露樹影掃青苔獨坐離容慘孤燈照不開

送徐員外赴河中

原野正蕭瑟中間分散情吏從甘扈罷詔許朔方行  
邊日沉殘角河關截夜城雲居閑獨往長老出房迎



送賀蘭上人

野僧來別我，略坐傍泉沙。  
遠道擎空鉢，深山踏落花。  
無師禪自解，有格句堪誇。  
此去非緣事，孤雲不定家。

送令狐綯相公

梁園趨戟節，海草幾枯春。  
風水難遭便，差池未振鱗。  
姓名猶語及，門館阻何因。  
苦擬修文卷，重擎獻匠人。  
吟看青島處，朝退赤墀晨。  
根愛杉栽活，枝憐雪霰新。  
綴篇嗟調逸，不和揣才貧。  
早晚還霖雨，滂沱洗月輪。  
握苗方滅列，成器待陶鈞。  
因坂思迴顧，迷邦輒問津。  
數行望外扎，絕句握中珍。  
是日榮遊汴，當時怯往陳。

鴻春乖漢爵，禎病卧漳濱。  
岳整五千仞，雲惟一片身。  
故山離未死，離一作離心秋水宿經旬。  
下第能無怨，高科恐有神。  
罷耕田料廢，省釣岸應榛。  
慷慨知音在，誰能淚墮巾。

寄滄州李尚書

滄溟深絕濶，西岸郭東門。  
弋者羅夷鳥，桴人思嶠猿。  
威稜高臘冽，煦育極春溫。  
陂淀封疆內，蕪葭壁壘根。  
搖鞞邊地脉，愁箭虎狼魂。  
水縣賣紗市，塩田煮海村。  
枝條分御葉，家世食唐恩。  
武可縱橫講，功從戰伐論。  
天涯生月片，嶼頂湧泉源。  
非是泥池物，方因雷雨尊。



沉謀藏未露隣境帖無喧青塚驕回鶻蕭關陷吐蕃  
何時霖歲旱早晚雪邦冤迢迢瞻旌纛浮陽寄詠言  
逢舊識

幾歲阻干戈今朝勸酒歌羨君無白髮走馬過黃河  
舊宅兵燒盡新宮日奏多妖星還有角數尺鐵重磨  
崇聖寺斌公房

近來惟一食樹下掩禪扉落日寒山磬多年壞衲衣  
白鬚長更剃青靄遠還歸仍說遊南岳經行是息機  
送李傅侍郎劍南行營

走馬從邊事新恩受外臺勇看雙節出期破八蠻回  
許國家無戀盤江棧不摧移軍刀斗逐報捷劍門開  
角咽獼猴叫聲乾霹靂來去年新甸邑猶滯佐時才  
別徐明府

抱琴非本意生事偶相縈口尚素安節身無子賤名  
地春寒雪盛山淺夕風輕百戰餘荒野千夫漸偶耕  
一盃宜獨夜孤客戀交情明日疲驂去蕭條過古城  
岐下送友人歸襄陽

蹉跎隨汎梗羈旅到西州舉翮籠中鳥知心海上鷗  
山光分首暮草色向家秋若更登高峴看碑定淚流  
送友人遊蜀



萬岑深積翠路向此中難欲暮多羈思因高莫遠看  
卓家人寂寞揚子業凋殘唯有岷江水悠悠帶月寒

送鄭少府

江岸一相見空令惜此分夕陽行帶月酌水少留君  
野地初燒草荒山過雪雲明年還調集蟬可在家聞

子規

遊魂自相叫寧復記前身飛過隣家月聲連野路春  
夢邊催曉急愁處送風頻自有霑花血相和雨滴新

送僧歸天台

辭秦經越過歸寺海西峰石磴雙流水山門九里松

曾聞清禁漏却聽赤城鍾妙宇研磨講應齊智者蹤

唐賈浪仙長江集卷第五







唐賈浪仙長江集卷第六

普州司倉叅軍范陽 賈島 浪仙

讓紉曹上樂使君

戰戰復兢兢猶如履薄冰雖然叨一祿還似說三乘  
瓶汲南溪水書來北岳僧慙愚兼抱疾權紀不相應

贈友人

五字詩成卷清新韻具偕不同狂客醉自伴律僧齋  
春別和花樹秋辭帶月淮却歸登第日名近榜頭排

送雍陶及第歸成都寧親

不唯詩著籍兼又賦知名議論於題稱春秋對問精



半應陰隲與全賴有司平歸去峰巒衆別來松桂生  
漲江流水品當道白雲坑勿以攻文捷而將學劍輕  
製衣新濯錦開醞舊燒罌同日昇科士誰同膝下榮  
謝令狐絢相公賜衣九事

長江飛鳥外主簿跨驢歸逐客寒前夜元戎與厚衣  
雪來松更綠霜降月彌輝即入調殷鼎朝分是與非

送金州鑒周上人

池必尋天目溪仍住若耶帆隨風便發月不要雲遮  
極浦浮霜鴈迴潮落海查峨嵋省春上立雪指流沙

送譚遠上人

下視白雲時山房蓋一作掛樹皮垂枝松落子側頂鶴  
聽碁清淨從沙劫中終未日歌金光明本行同侍出  
峨嵋

新年

嗟以龍鍾身一作貌如何歲復新石門思隱久銅鏡強  
窺頻花發新移樹心知故國春誰能平此恨豈是比  
宗人

送僧

出家從半歲解論造玄門不惜揮談柄誰能聽至言  
中時山果熟後夏竹陰繁此去逢何日峨嵋曉復昏



送姚杭州

白雲峰下城日夕白雲生人老江波釣田侵海樹耕  
吳山鍾如越蓮葉吹搖旌詩興石門思濤來向越迎  
夜集田卿宅

朗詠高齋下如將古洞彈翻鴻向桂水來雪渡桑乾  
滴滴玉漏曙脩脩竹籟殘曩年曾宿此亦值五陵寒  
寄山友長孫栖嶠

此時氣蕭颯琴院可應關鶴似君無事風吹雨遍山  
松生青石上泉落白雲間有逕連高頂心期相與還  
酬厲玄

我來從北鄙子省涉西陵白髮初相識秋山擬共登  
隣居帝城雨會宿御溝水未報見貽作耿然中夜興  
送劉式洛中覲省

晴峰三十六侍立上春臺同宿別離恨共看星月廻  
野鶯臨苑語河棹歷江來便寄相思扎緘封花下開  
送空公往金州

七百里山水手中榔栗麓松生師坐石潭滌祖傳盃  
長擬老岳嶠又聞思海湖惠能同俗姓不是嶺南盧  
贈紹明上人

未住青龍室中秋獨往年上方嵩古寺下視雨和作



如烟祖豈無言去心因斷臂傳不知能已後更有幾  
燈燃

贈弘泉上人

洗足下藍嶺古師精進同心知溪卉長居此玉林空  
西殿宵燈磬東林曙雨風舊峰隣太白石座雨苔濛  
送宣皎上人遊太白

剃髮鬢無雪去年三十三山過春草寺磬度落花潭  
得句才隣約論宗意在南峰靈疑懶下蒼翠太虛參

病起

嵩丘歸未得空自責遲回身事豈能遂蘭花又已開

病令新作少雨阻故人來燈下南華卷社愁當酒盃

送殷侍御起同州

馮翊蒲一作連蒲西郡沙岡擁地形中條全離岳清渭半

和涇夜莫眠明月秋深至洞庭猶來交辟士事別偃  
林局

送沈鶴

家楚壻於秦携妻去養親陸行千里外風卷一帆新  
夜泊疏山雨秋吟搗藥輪蕪城登眺作一作後才動廣

陵人

秋夜仰懷錢孟二公琴客會



月色四時好秋光君一作吾子知南山昨夜雨為我寫  
清規獨鶴聳寒骨高杉韻細颺仙家縹緲弄髣髴此  
中期

贈李金州

綺里祠前後山程踐白雲泝流隨大旆登岸見全軍  
曉角吹人夢秋風卷鴈群霧開方露日漢水底一作與  
沙分

酬姚合校書

因貧行道遠得見舊交遊美酒易傾盡好詩難卒酬  
公堂朝共到私第夜相留不覺入關晚別來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡雨到讀書山  
棲鳥椶花上聲鍾磔閣間寂寥窓戶外時見一舟還

病蟬

病蟬飛不得向我掌中行折翼猶能薄酸吟尚極清  
露華凝在腹塵點誤侵睛黃雀并鳶鳥俱懷害爾情  
青門里作

燕存鴻已過海內幾人愁欲問南宗理將歸北岳脩  
若無攀桂分祗是卧雲休泉樹一為別依稀三十秋  
盧秀才南臺



居在青門里臺當千萬岑下因岡助勢上有樹交陰  
陵遠根纔近空長畔可尋新晴登嘯處驚起宿枝禽

寄李輞侍郎

終過盟津書分明夢不虛人從清渭別地隔太行餘  
賓幕誰嫌靜公門但晏如欄鞞乾霹靂斜漢濕蟾蜍  
追琢垂今後敦龐得古初井臺憐操築漳岸想丕疏  
亦冀鏗珮珮終當直石渠此身多抱疾幽里近營居  
憶漱蘇門澗經浮楚澤渚松栽侵古影葦斷尚芹菹  
語嘿曾延接心源離滓淤誰言姓琴氏獨跨角生魚

寄令狐綯相公

驢駮勝羸馬東川路匪賒一緘論賈誼三蜀寄嚴家  
澄徹霜江水分明露石沙語言聲及政棧閣谷離斜  
自著衣偏暖誰憂雪六花裏裳留濶幙防患與通茶  
山館中宵起星河殘月華雙僮前日雇數口向天涯  
良樂知麒麟張雷驗鑊鄒譙光賢將相別紙聖龍蛇  
豈有斯言玷應無白璧瑕不妨圓魄裏人亦指蝦蟆

再投李益常侍

何處初投刺當時赴尹京淹留花木變然諾肺腸傾  
避暑蟬移樹登高鴈過城人家嵩岳色公府洛河聲  
聯句逢秋盡嘗茶見月生新衣裁白紵思從曲江行



積雪

省屬時霖滯今逢臘雪多南猜飄桂渚北訝雨交河  
盡滅平蕪色彌重古木柯空中離白氣島外下滄波  
隱者迷樵道朝人冷玉珂夕繁仍晝密漏間復鍾和  
想積高嵩頂新秋皓月過

過楊道士居

先生修道處茆屋遠囂氛叩齒坐明月搢頤望白雲  
精神含藥色衣服帶霞紋無話瀛洲路多年別少君

贈僧

亂山秋木穴裏有靈蛇藏鐵錫挂臨海

一作楊桂石  
臨滄海

樓闌異香出塵頭末白入定衲凝霜莫話五湖事令  
人心欲狂

送友人游塞

飄蓬多塞下君見益潛然迥磧沙銜日長河水接天  
夜泉行客火曉戍向京烟少結相思恨佳期芳草前  
思遊邊友人

秋暮寄友人

凝愁對孤燭昨日飲離杯葉下故人去天中新鴈來  
連沙秋草薄帶雪暮山開苑北紅塵道何時見遠迴  
寥落關河暮霜風樹葉低遠天垂地外寒日下峰西



有志烟霞切無家歲月迷清霄話白閣已負十年棲

寄令狐綯相公

宮高頻勅授老色把犁鋤一主長江印三封東省書  
不無濠上思唯食園中蔬夢幻將泡影浮生事只如  
和孟逸人林下道情

四時相陶鑄中庸道豈銷夏雲生此日春色盡今朝  
陋巷貧無悶毗耶疾未調已栽天末栢合抱豈非遙  
宿姚少府北齋

石溪同夜泛復此北齋期鳥絕吏歸後蛩鳴客卧時  
鑱城涼雨細開印曙鍾遲憶此漳川岸如今是別離

雪晴晚望

倚杖望晴雪溪雲幾萬重樵人歸白屋寒日下危峰  
野火燒岡草斷煙生石

一作古

松却廻山寺路聞打暮

天鍾

唐賈浪仙長江集卷第六







唐賈浪仙長江集卷第七

普州司倉參軍范陽 賈島 浪仙

送崔嶠遊瀟湘

功烈尚書孫琢磨風雅言渡河山鑿處陟峴漢灘喧  
夢想吟天目宵同話石門楓林葉欲下極浦月清暎  
寄朱錫珪

遠泊與誰同來從古才中長江人釣月曠野火燒風  
夢澤吞楚大閩山阨海叢此時檣底水濤起屈原通

馬戴居華山因寄

玉女洗頭盆孤高不可言瀑流蓮岳頂河注華山根



絕雀林藏鶻無人境有猿秋蟾纔過雨石上古松門  
寄胡遇

一自殘春別經炎復到涼螢從枯樹出蛩入破堦藏  
落葉書勝紙閑砧坐當牀東門因送客相訪也何妨  
送李戎扶侍往壽安

二千餘里路一半是波濤未曉著衣起出城逢日高  
關山多寇盜扶侍帶弓刀臨別不揮淚誰知心鬱陶  
送孫逸人

衣屨猶同俗妻兒亦宛然不餐能累月無病已多年  
是藥皆諧性令人漸信仙杖頭書數卷荷入翠微煙

寄華山僧

遙知白石室松栢隱朦朧月落看心次雲生閉目中  
五更鍾隔岳萬尺水懸空苔蘚嵌巖所依稀有徑通  
送李登少府

伊陽耽酒尉朗詠醉醒新應見高山裏明年躑躅春  
一千尋樹直三十六峰隣流水潺潺處堅貞玉澗珉  
易州過郝逸人居

每逢詞翰客邀我共尋君果見閑居賦未曾流俗聞  
也知隣市井宛似出囂氛却笑巢由輩何須隱白雲  
訓鄂縣李廓少府見寄



稍憐公事退，復遇夕陽時。北朔霜凝竹，南山水入籬。  
吟懷滄海侶，空問白雲師。恨不相從去，心惟野鶴知。  
淨業寺與前鄆縣李廓少府同宿

來從城上峰，京寺暮相逢。往往語復默，微微雨灑松。  
家貧初罷吏，年長畏聞蛩。前日猶拘束，披衣起曉鍾。

送南卓歸京

殘春別鏡陂，罷郡未霜髭。行李逢炎暑，山泉滿路歧。  
雲藏巢樹鶴，風觸轉鶯枝。三省同虛位，雙旌帶去思。  
入城霄夢後，待漏月沉時。長策并忠告，從容駕玉墀。

卧疾走筆訓韓愈書問

一卧三四旬，數書惟獨君。一作書至 獨思君願為出海月，不  
作歸山雲。身上衣頻寄，甌中物亦分。欲知強健否，病  
鶴未離群。

長孫霞李溟自紫閣白閣二峰見訪

寂寞吾廬貧，同來二閣人。所論唯野事，招作一作住 訪我住  
雲隣。古寺期秋宿，平林散早春。漱流今已矣，巢許豈  
堯臣。

送惟一遊清涼寺

去有巡臺侶，荒溪衆樹分。瓶殘秦地水，錫入晉山雲。  
秋月離喧見，寒泉出定聞。人間臨欲別，旬日雨紛紛。



鄭尚書新開涪江二首

岸鑿青山破江開白浪寒日沉源出海春至草生灘  
梓匠防波溢蓬仙畏水乾從今䟽决後任雨滯峰巒  
又

不侵南畝務已拔北江流涪水方移岸潯陽有到舟  
潭澄初搗藥波動乍垂鈎山可䟽一作應三里蹤知惟應曆  
億秋

寄喬侍郎

大寧猶未到曾渡北浮橋曉出爬船寺手擎紫栗條  
差池不相見悵望至今朝近日營家計繩懸一小瓢

送去華法師

在越居何寺東南水路歸秋江洗一鉢寒日曬三衣  
默聽鴻聲盡行看葉影飛囊中無寶貨船戶夜扃稀  
送蔡京

躍蹄歸曾日帶漏別泰星易折芳條桂難窮遂義經  
登封多泰岳巡狩徧滄溟家在何林下梁山翠滿庭  
慈恩寺上座院

未委衡山色何如對塔峰曩宵曾宿此今夕值秋濃  
羽族栖煙竹寒流帶月鍾井甘源起異泉湧漬苔封  
題朱慶餘所居



天寒吟竟曉古屋瓦生松寄信船一隻隔鄉山萬重  
樹來沙岸鳥窓度雪樓鍾每憶江中嶼更看城上峰

送黃知新歸安南

池亭沉飲徧非獨曲江花地遠路穿海春歸冬到家  
火山難下雪瘴土不生茶知決移來計相逢期尚賒

贈胡禪師

自是根機鈍非關夏臘深秋來江上寺夜坐嶺南心  
井鑿山含月風吹磬出林祖師携隻履去路杳難尋

元日女道士受籙

元日更新夜齋身稱淨衣數星連斗出萬里斷雲飛

霜下磬聲在月高壇影微立聽師語了左肘繫符歸

重與曹彭兵曹

故人在城裏休寄海邊書漸去老不遠別來情豈踈  
硯冰催臘日山雀到貧居每有平戎計官家別勅書

贈莊上人

不語焚香坐心知道已成流年衰此世定力見他生  
暮雪餘春冷寒燈續晝明尋常五侯至敢望下階迎

落第東歸逢僧伯陽

相逢須語笑人世別離頻曉去長侵月思鄉動隔春  
見僧心暫靜從俗事多迤宇宙詩名小山河客路新



翠桐猶入爨清鏡未辭塵逸足思奔驥隨群且退鱗  
宴垂紅杏寺愁在綠楊津老病難爲樂開眉賴故人  
皇甫主簿期遊山不及赴

休官疋馬在新意入山中更住應難遂前期恨不同  
集蟬苔樹僻留客雨堂空深夜誰相訪惟當清淨翁  
宿成湘林下

相訪夕陽時千株木未衰石泉流出一作幽谷山雨滴  
栖鷓漏向燈聽數酒因客寢遲今宵不盡興更有月  
明期

喜雍陶至

今朝笑語同幾日百憂中烏度劍門靜蠻歸瀘水空  
步霜吟菊畔待月坐林東且莫孤此興勿論窮與通

酬胡遇

麗句傳人口科名立可圖移居見山燒買樹帶巢烏  
遊遠風濤急吟清雪月孤却思初識面仍未有多鬚  
宿慈恩寺郁公房

病身來寄宿自掃一床閑反照臨江磬新秋過雨山  
竹陰移冷月荷氣帶禪關獨往天台意方從內請還  
送褚山人歸日東

懸帆待秋水去入杳冥關東海幾年別中華此日還



岸遙生白髮波盡露青山隔水相思在無書也是閑

寄韓湘

過嶺行多少潮州漳浦川花開南去後水凍北歸前  
望鷺吟登閣聽猿淚滴船相思堪面話不著尺書傳

雨夜寄馬戴

芳林杏花樹花落子西東今夕曲江雨寒催朔北風  
鄉書滄海絕隱路翠微通寂寂相思際孤缸殘漏中

喜無可上人遊山回

一食復何如尋山無定居相逢新夏滿不見半年餘  
聽話龍潭雪休傳鳥道書別來還似舊白髮日高梳

寄毘陵徹公

身依吳寺老黃葉幾迴看早講林霜在孤禪隙月殘  
井通潮浪遠鐘與角聲寒已有南遊約誰言禮謁難

其二

賓佐兼歸覲此行江漢心別離從闕下道路向山陰  
孤嶼消寒沫空城滴夜霖若邪溪畔寺秋色共誰尋

寄劉侍御

衣多苦蘚痕猶擬更趨門自夏雖無病經秋不過原  
積泉留岱鳥疊岫隔巴猿琴月西齋集如今豈復言

送韋瓊校書

缺



唐賈浪仙長江集卷第七

唐賈浪仙長江集卷第七



國家圖書館, NATIONAL CENTRAL LIBRARY, TAIWAN, R.O.C.



唐賈浪仙長江集卷第八

普州司馬叅軍范陽 賈島 浪仙

送穆少府知眉州

劍門倚青漢君昔未曾過日暮行人少山深異鳥多  
猿啼和峽雨棧盡到江波一路白雲裏飛泉灑薜蘿  
二月晦日留別鄠中友人

立馬御花裏別君當酒酣春風漸向北雲鴈不飛南  
明曉日初一今年月又三鞭羸去暮色遠岳起煙嵐  
送李校書赴吉期

筮筭重重吉良期詎可遷不同牛女夜是配鳳凰年



佩玉春風裏題章臘燭前詩書與箴訓夫哲又妻賢  
宿孤館

落日投村戍愁生爲客途寒山晴後綠秋水夜來孤  
橋樹千株在漁家一半無自知風水靜舟繫岸邊蘆

哭宗密禪師

鳥道雪岑巔師亡誰去禪几塵增滅後樹色改生前  
層塔當松吹殘蹤傍野泉唯嗟聽經虎時到壞菴邊

宿山寺

衆岫聳寒色精廬向此分流星透踈木走月逆行雲  
絕頂人來少高松鶴不群一僧年八十世事未曾聞

送友人如邊

去日重陽後前程菊正芳行車輾秋岳落葉墜寒霜  
雲入漢天白風高磧色黃蒲輪待恐晚求薦向諸方

題竹谷上人院

禪庭高鳥道迴望極川原樵徑連峰頂石泉通竹根  
木深猶積雪山淺未聞猿欲別塵中苦願師貽一言

京北原作

登原見城闕策蹇思炎天日午路中客槐花風處蟬  
遠山秦木上清渭漢陵前何事居人世皆從一作名  
利率



寄江上人

紫閣舊房在新家中岳東煙波千里隔消息一朝通  
寒日汀洲路秋晴島嶼風分明杜陵葉別後兩經紅  
一作雨

送僧歸太白山

堅冰連夏處太白接青天雲塞石房路峰明雨外巔  
夜禪臨虎穴寒漱撒龍泉後會不期日相逢應信緣

暮過山村

數里聞寒水山家少四隣怪禽啼曠野落日恐行人  
初月未終夕邊烽不過秦蕭條桑柘外烟火漸相親

鷺鷥

求魚未得食沙岸往來行島月獨棲影暮天寒過聲  
墮巢因木折失侶遇弦驚頻向煙霄望吾知爾去程

內道場僧弘紹

麟德燃香請長安春幾回夜閑一作寒同像寂晝定為

吾開講罷松根老經浮海水來六年雙足履只步院  
中苔

蔣亭和蔡湘州

蔣宅為亭榭蔡城東郭門潭連秦相井松老漢朝根  
已積蒼苔徧何曾舊逕存高齋無事後時復一携樽



光州王建使君水亭作

楚水臨軒積澄鮮一畝餘柳根連岸盡荷葉出萍初  
極浦清相似幽禽到不虛夕陽庭際眺槐雨滴踈踈

留別光州王使君建

杜陵千里外期在末秋歸既見林花落須防木葉飛  
楚從何地盡淮隔數峰微迴首餘霞失斜陽照客衣

宿姚合宅寄張司業籍

閑宵因集會柱史話先生身愛無一事心期往四明  
松枝影搖動石磬響寒清誰伴南齋宿月高霜滿城

哭張籍

精靈歸恍惚石磬韻曾聞即日的前古誰人耕此墳  
舊遊孤枕遠故域九江分本欲蓬瀛去餐芝御白雲  
靈準上人院

掩扉當太白臘數等松椿禁漏來遙夜山泉落近隣  
經聲終卷曉草色幾芽春海內知名士交游準上人  
寄柳舍人宗元

格與功俱造何人意不降一宵三夢柳孤泊九秋江  
擢第名重列冲天字幾雙誓為仙者僕側執馭風幢

送玄巖上人歸西蜀

玉壘山中寺幽深勝槩多藥成彭祖搗頂受七輪摩



去臘催今夏流光等逝波會當依糞掃一作五岳徧頭陀

寄宋州田中丞

古郡近南徐關河萬里餘相思深夜後未答去秋書自別知音少難忘識面初舊山期已久門掩數畦蔬

送朱休歸劍南

劍南歸受賀大學賦聲雄山路長江岸朝陽十月中芽新抽雪茗枝重集猿楓卓氏琴臺廢深蕪想逕通

寄長武朱尚書

不日即登壇槍旗一萬竿角吹邊月沒鼓絕爆雷殘

中國今如此西荒可取難白衣思請謁徒步在長安

送皇甫侍御

曉鍾催早朝自是赴嘉招身泊湘江濶田收楚澤遙雁驚起衰草猿渴下寒條來使黔南日時應問寂寥

郊居即事

住此園林久其如未是家葉書傳野意簷溜煮胡茶雨後逢行鷺更深聽遠蛙自然還往裏多是愛烟霞

夜集姚合宅期可公不至

公堂秋雨夜已是念園林何事疾病日重論山水心孤燈明臘後微雪下更深釋子乖來約泉西寒磬音



喜李餘自蜀至

迢遞岷峨外西南驛路高幾程尋嶮棧獨宿聽寒濤  
白鳥飛還立青猿斷更號往來從此過詞體近風騷  
王侍御南原莊

買得足雲地新栽藥數窠峰頭盃一逕原下注雙河  
春寺閑眠久晴臺獨上多南齋宿雨後仍許重來麼  
過一作

送康秀才

俱爲落第年相識落花前酒瀉兩三盞詩吟十數篇  
行歧逢塞雨嘶馬上津船樹影高堂下迴時應有蟬

送僧

此生披衲過在此得身閑日午遊都市天寒往華山  
言歸文字外意出有無間仙掌雲邊樹巢禽時出關

寄魏少府

來時垂面別一作傷終日使人慙易記卷中句難忘  
燈下談濕苔粘樹瘦瀑布濺房菴音信如相惠移居  
古井南

原居即事言懷贈孫員外

出入土門偏秋深石色泉逕通原上草地接水中蓮  
採菌依餘枿拾薪逢刈田鐮擗白髮斷兵阻尺書傳



避路來華省抄詩上彩牋高齋久不到猶喜未經年  
登樓

秋日登高望涼風吹海初山川明已久河漢沒無餘  
遠近涯寡愛高低中太虛賦因王閣筆思比謝遊踈  
上樂使君救康成公

曾夢諸侯笑康囚議脫枷千根池裏藕一朶火中花  
昆明池泛舟

一枝青竹榜泛泛綠萍裏不見釣魚人漸入秋塘水  
送僧

大內曾持論天南化俗行舊房山雪在春草岳陽生

曉了蓮經義堪任寶蓋迎王侯皆護法何寺講鍾鳴  
送劉知新往襄陽

此別誠堪恨荆襄是舊遊眼光懸欲落心緒亂難收  
花木三層寺烟波五相樓因君兩地去長使夢悠悠  
寄慈恩寺郁山人

中秋期夕望虛室省相容北斗生清漏南山出碧重  
露寒鳩宿雨鴻過月圓鍾此夜情應切衡陽舊住峰  
送饒州張使君

終南雲雨連城闕去路西江白浪頭滁上郡齋離昨  
日鄱陽農事勸今秋道心生向前朝寺文思來因靜



夜樓借問泊帆干，謁者誰人曾聽峽猿愁。

觀冬設上東川楊尚書

匏革奏冬非獨樂，軍城未曉啟重門。何時去入三台  
貴，此日空知八座尊。羅綺舞時收雨點，纔狝門外卷  
雲根。逐遷屬吏隨賓列，去棹扁舟不忘恩。

唐賈浪仙長江集卷第八



唐賈浪仙長江集卷第九

普州司馬叅軍范陽 賈島 浪仙

巴興作

三年未省聞鴻斗九月何曾見草枯寒暑氣均思白  
社星辰正別憶皇都蘇卿持節終還漢葛相行師自  
渡瀘鄉味朔山林果位北歸期掛海帆孤

早蟬

早蟬孤抱芳槐葉噪向殘陽意度秋也任一聲催我  
老堪聽兩耳畏吟休得非下第無高韻湏是青山隱  
白頭若問此心嗟嘆否天人不可怨而尤



投元郎中

心在瀟湘歸未期卷中多是得名詩高臺聊望清秋色片水堪留堪一作難白鷺鷺省宿有時聞急雨朝迴盡日伴禪師舊文去歲曾將獻蒙與人來說始知

阮籍嘯臺

如聞長嘯春風裏荆棘叢邊訪舊踪地接蘇門山近遠荒臺突兀抵高峰

滕校書使院小池

小池誰見鑿時初走水南來十里餘樓上日斜吹暮角院中人出鎖遊魚

送陝府王司馬

司馬雖然聽曉鐘尚猶高枕恣踈慵請持僧過三門水賣藥人歸五老峰移舫綠陰深處息登樓涼夜此時逢杜陵惆悵臨相一作岐餞未寢月前多屐蹤

上谷旅夜

世難那堪恨旅遊龍鍾更是對窮秋故園千里數行淚隣杵一聲終夜愁月到寒窓空皓晶風翻落葉更颼颼此心不向常人說倚識平津萬戶侯

寄無得頭陀

夏臘今應三十餘不離樹下塚間居貌堪良匠抽毫



寫行稱高僧續傳書落澗水聲來遠遠當空月色自  
如如白衣只在青門裏心每相親跡且踈

崔卿池上雙白鷺

鷺雛相逐出深籠頂各有絲莖數同灑石多霜移足  
冷隔城遠樹挂巢空其如盡在灘聲外何似雙飛浦  
色中見此池潭卿自鑿清冷太液底潜通

送胡道士

短褐身披滿漬苔靈溪深處觀門開却從城裏移琴  
去許到山中寄藥來臨水古壇秋醮罷宿杉幽鳥夜  
飛迴丹梯願逐真人上日久歸心白髮催

寄韓潮州愈

此心曾與木蘭舟直到天南潮水頭隔嶺篇章來華  
岳出關書信過瀧流峰懸驛路殘雲斷海浸城根一作  
闡老樹秋一夕瘴烟風卷盡月明初上浪西樓

謝張籍王建

疎林荒宅古坡一作前久住還因太守憐漸老更思  
深處隱多閑數得上方眠鼠拋貧屋收田日雁度寒  
江擬雪天身是龍鍾應是分水曹芸閣枉來篇

逢博陵故人彭兵曹

曲陽分散會京華見說三年住海涯別後鮮餐蓬蘽



子向前未識牡丹花偶逢日者教求祿終傍泉聲擬  
置家踏雪携琴相就宿夜深開戶斗牛斜

贈牛山人

二十年中餌茯苓致書半是老君經東都舊住商人  
宅南國新修道士亭鑿石養蜂休買蜜坐山秤藥不  
爭星古來隱者多能卜欲就先生問丙丁

送于中丞使迴紇冊立

君立天驕發使車冊文字字著金書漸通青塚鄉山  
盡欲達皇情譯語初調角寒城邊色動下霜秋積雁  
行踈旌旌來住幾多日應向途中見歲除

送劉侍御重使江西

時當苦熱遠行人石壁飛泉濺馬身又到鍾陵知務  
大還浮溢浦屬秋新早程猿叫雲深極宿館禽驚葉  
動頻前者已聞廉使薦兼言有畫靜邊塵

贈圓上人

誦經千紙得爲僧麈尾持行不拂蠅古塔月高聞呪  
水新壇日午見燒燈一雙童子澆紅藥百八真珠貫  
綵繩且說近來心裏事仇讎相對似親朋

處州李使君改任遂州因寄贈

庭樹幾株陰入戶主人何在客聞蟬鑰開原上高樓



鑿甕汲池東古井泉  
趣靜野禽曾後到  
休吟隣叟始安眠  
仙都山水誰能憶  
西去風濤書滿船

酬慈恩寺文郁上人

袈裟影入禁池清  
猶憶鄉山近赤城  
籬落鐺間寒鱉過  
莓苔石上晚蛩行  
期登野閣閑應甚  
阻宿山房疾未平  
聞說又尋南岳去  
無端詩思忽然生

訪鑒玄師姪

維摩青石講初休  
緣訪親宗到普州  
我有軍持憑弟子  
岳陽溪裏汲寒流

夜坐

蟋蟀漸多秋不淺  
蝓蟾已沒夜應深  
三更兩鬢幾枝雪  
一念雙峰四祖心

送別

門外便伸千里別  
無車不得到河梁  
高樓直上百餘尺  
今日爲君南望長

聞蟬感懷

新蟬忽發最高枝  
不覺立聽無限時  
正遇友人來告別  
一心分作兩般悲

夏夜上谷宿開元寺

詩成一夜月中題  
便卧松風到曙雞  
帶月時聞山鳥



語郡城知近武陵溪

送于摠持歸京

出家初隸何方寺上國西明御水東却見舊房堦下  
樹別來二十一春風

崔卿池上鶴

月中時叫葉紛紛不異洞庭霜夜聞翎羽如今從放  
長猶能飛起向孤雲

田中丞高亭

高亭林表迥差栽獨坐秋宵不寢多玉兔玉人歌裏  
出白雲誰似莫相和

友人婚楊氏催粧

不知今夕是何夕催促陽臺近鏡臺誰道芙蓉水中  
種青銅鏡裏一枝開

酬朱侍御望月見寄

他寢一作今此時吾不寢近秋三五月逢晴相思唯有  
霜臺月望盡孤光見邈生

題韋雲叟草堂

新起此堂開北窓當窓山隔一重江白茅草苦重重  
密愛此秋天夜雨淙

和韓吏部泛南溪



溪裏晚從池岸出石泉秋急夜深聞木蘭船共山人  
上月映渡頭零落雲

方鏡

背如刀截機頭錦面似升量澗底泉銅雀臺南秋日  
得照來照去已三千

訓姚合

黍穗豆苗侵古道晴原午後早秋時故人相憶僧來  
說楊柳無風蟬滿枝

送靈應上人

遍參尊宿遊方久各岳竒峰問此公五月半間看瀑

布青城山裏白雲中

贈丘先生

常言契藥全勝飯華岳松邊採茯苓神不遣髭鬚一莖  
白擬爲白日上昇人

渡桑乾

客舍并州已十霜歸心日夜憶咸陽無端更渡桑乾  
水却望并州是故鄉

夜期嘯客不至

逸人期宿石牀中遺我閑扉對晚空不知何處嘯秋  
月閑著一作松門一夜風



夜集烏行中所居

環爐促席復持杯  
松院雙扉向月開  
座上同聲半先  
達名山獨入此心來

贈梁浦秀才斑竹拄杖

揀得林中最細枝  
結根石上長身遲  
莫嫌滴瀝紅斑  
少恰似一作是湘妃淚盡時

尋石甕寺上方

野寺入時春雪後  
崎嶇得到此房前  
老僧不出迎朝  
客已住上方三十年

唐賈浪仙長江集卷第九



唐賈浪仙長江集卷第十

普州司倉參軍范陽 賈島 浪仙

早秋寄題天竺靈隱寺

峰前峰後寺新秋絕頂高窓見沃州人在定中聞蟋蟀  
鶴從棲處挂獼猴山鍾夜度空江水汀月寒生古石樓  
心憶懸帆身未遂謝公此地昔年遊

黎陽寄姚合

魏都城裏曾遊熟才子齋中止泊多去日綠楊垂紫陌  
歸時白草夾黃河新詩不覺千迴詠古鏡曾經幾度磨  
惆悵心思滑臺北滿盃濃酒與愁和



送崔約秀才

歸寧髣髴三千里月向船窓見幾宵野鼠獨偷高樹  
果前山漸見短禾苗更深柵鎖淮波疾葦動風生雨  
氣遙重入石頭城下寺南朝杉老未乾焦

詠懷

縱把書看未省勤一生生計祇長貧可能在世無成  
事不覺離家作老人中嶽深林秋獨往南原多草夜  
無隣經年抱疾誰來問野鳥相過啄木頻

夏日寄高洗馬

三十年來長在客兩三行淚忽然垂白髮蒼髮經過

懶赤日朱門偃息遲花發應耽新熟酒草顛還寫早  
朝詩不緣馬死西州去盡角堪聽是曉吹

送周判官元範赴越

原下相逢便別離蟬鳴關路使迴時過淮漸有懸帆  
興到越應將墜葉期城上秋山生菊早驛西寒渡落  
潮遲已曾幾徧隨旌節去謁荒郊大禹祠

送羅少府歸牛渚

作尉長安始三日忽思牛渚夢天台楚山遠色獨歸  
去灞水空流相送回霜覆鶴身松子落月分螢影石  
房開白雲多處應頻到寒澗泠泠漱古苔



題童真人

江上修持積歲年，難聲未擬住潺湲。誓從五十身披  
衲，便向三千界坐禪。月峽青城那有滯，天台廬岳豈  
無緣。昨宵息夢遊滄海，萬里波濤在目前。

贈溫觀主

一別羅浮竟未還，觀深廊古院多關。君來幾日行虛  
洞，仙去空壇在遠山。胎息存思當黑處，井華懸練取  
朝間。弊廬道室雖隣近，自樂冬陽灸背閑。

賀龐少尹除太常少卿

太白山前終日見，十旬假滿擬秋尋。中峰絕頂非無

路北闕除書阻入林朝謁，此時閑野屐宿齋。何處止  
鳴砧，省中石鐙陪隨步，唯賞煙霞不厭深。

上邠寧邢司徒

箭頭破帖渾無敵，杖底敲毬遠有聲。馬走千蹄朝萬  
乘，地分三郡擁雙旌。春風欲盡山花發，曉角初吹客  
夢驚。不是邢公來鎮此，長安西北未能行。

欲遊嵩岳留別李少尹益

孤策遲迴洛水湄，孤禽嘹唳幸人知。嵩岳望中常待  
我，河梁欲上未題詩。新秋愛月愁多雨，古觀逢仙看  
盡碁。微眇此來將敢問，鳳凰何日定一作始歸池。



病鵲吟

俊鳥還投高處栖騰身曼曼下雲梯有時透霧凌空  
去無事隨風入草迷迅疾月邊捎玉兔遲迴日裏拂  
金雞不綵毛羽遭零落焉肯雄心向爾低

贈僧

從來多是遊山水省泊禪舟月下濤初過石橋年尚  
少久辭天柱臘應高青松帶雪懸銅錫白髮如霜落  
鐵刀常恐畫工授筆寫身長七尺有眉毫

贈翰林

清重無可一作過知內制從前禮絕外庭人看花在處

多隨駕召宴無時不及身馬自賜來騎覺穩詩緣見  
徹語長新應憐獨向名場苦曾十餘年浪過春

頌得上賈常侍

邊臣說使朝天子發語轟然激夏雷高節羽書期獨  
傳分符絳郡滯長材啁啾鳥恐鷹鷂起沓散人歸父  
母來自顧此身無所立恭談祖德朶頤開

田將軍書院

滿庭花木半新栽石自平湖遠岸來筓迸隣家還長  
竹地經山雨幾層苔井當深夜泉微上閣入高秋戶  
盡開行背曲江誰到此琴書鎖着未朝迴



投龐少尹

閉戶息機搔白首中庭一樹有清陰年年不改風塵  
趣日日轉多泉石心病起望山臺上立覺來聽雨燭  
前吟龐公相識元和歲春分依依直至今

夏夜登南樓

水岸寒

一作開

樓帶月躋夏林初見岳陽溪一點新螢

報秋信不知何處

一作樹

是菩提

題青龍寺

碣石山人一軸詩終南山北數人知擬看青龍寺裏  
月待無一點夜雲時

贈李文通

營當萬勝岡頭下誓立千年不朽功天子手擎新鉞  
斧諫官請贈李文通

題號州三堂吳郎中

無窮草樹昔誰栽新起臨湖白石臺半岸泥沙孤鴈  
立三堂風雨四門開荷翻團一作圓露驚秋近柳轉斜  
陽過水來昨夜北樓堪朗詠號城初鎖月徘徊

送僧

池上時時松雪落焚香烟起見孤燈靜夜憶誰來對  
坐油江南岸寺中僧



三月晦日贈劉評事

三月正當三十日風光別我苦吟身共君今夜不須  
睡未到曉鍾猶是春

送張道者

新歲抱琴何處去洛陽三十六峰西生來未識山人  
面不得一聽烏夜啼

題魚尊師院

老子堂前花萬樹先生曾見幾迴春夜煎白石平明  
喫不擬教人哭此身

宿村家亭子

牀頭枕是溪中石井底泉通竹下池宿客未眠過夜  
半獨聞山雨到來時

送稱上人

歸蜀擬從巫峽過何時得入舊房禪寺中來後誰身  
化起塔栽松向野田

楊祕書新居

城角新居隣靜寺時從新閣上經樓南山泉入宮中  
去先向詩人門外流

聽樂山人彈易水

朱絲絃底燕泉急燕將雲孫白日彈嬴氏歸山陵已



掘聲聲猶帶髮衝冠

經蘇秦墓

沙埋古篆折碑文六國興亡事計一作繫君今日淒涼  
無處說亂山秋盡有寒雲

題戴勝

星點花冠道士衣紫陽宮女化身飛能傳上界春消  
息若到蓬山莫放歸

題隱者居

雖有柴門常不關片雲孤木伴身閑猶嫌住久人知  
處見擬移家更上山

哭孟東野

蘭無香氣鶴無聲哭盡秋天月不明自從東野先生  
死側近雲山得散行

過京索先生墳

京索先生三尺墳秋風漠漠吐寒雲從來有恨君多  
哭今日何人更哭君

客思

促織聲尖尖似針更深刺著旅人心獨言獨語月明  
裏驚覺眠童與宿禽

鹽池院觀鹿



條峰五老勢相連此鹿來從若箇邊別有野麋人不見一生長飲白雲泉

唐賈浪仙長江集卷第十



竇應王氏所莊書余不收白十條種絕少善此似古刻竇不多觀名家著錄但古本也

同時子題者未莊頁尤重



長江集世鮮善本厥明刊單行本  
頗為罕覩去宋刊僅一間耳己未  
春見於上海裁明青紙為衣重裝  
一過 寒露識於百宋書藏



戊午冬在里門書寶陸某未言寶應王氏有書待沽聞之欣然買  
舟往書凡百五十種回論價不合未能交易今未滬上獲捧此集印時  
昔所見百五十種之一可見天下事物遇合自有其時固不獨善書為  
然也耳自祀電先二日大雪初霽展閱涉書江都秦史年

